

重刊賢縣志

地 210.23

39

部 = 4

重修奉賢縣志卷十一

人物志二

儒林

宋衛湜字正叔涇弟也以經術徵授太府寺丞將作少監皆不赴隱居蕭塘杜門著書嘗集諸家傳註為禮記集說一百六十卷魏了翁為之序寶慶三年上於朝理宗讀而善之授以職終朝散大夫直寶謨閣知袁州學者

稱櫟齋先生

舊志

衛富益涇裔孫自少究心性命之學嘗從金履祥許謙遊稱入室弟子卒為制服宋亡為文祭死事文陸諸公詞

奉賢縣志

卷十一 人物志二

一

儒林

極悲愴自以宋遺民絕意進取隱居教授建白社書院於石人涇稱說所聞後攜子隱於金蓋山著四書攷證性理集易經集說讀史纂要耕讀怡情等錄至治間以長子迎養還故里不談世務不履城市一日邁微疾悉焚所著書卒年九十六門人私謚曰正節先生

按富益宋之遺民未嘗仕元舊志作元人誤今依府志

明何震字以仁廣族也規言矩行品如金玉文亦醇謹由

歲貢選訓導遷涇陽教諭沒後崇祀鄉賢

舊志入文苑

莊允中字執卿莊行人少穎悟善屬文隆慶元年領鄉薦第一郡鮮以易通籍者允中得歸有光傳盡窺交易變



易之義以授時人於是專易者始廣子元禎崇禎元年
進士歷官陝西參政

參府志

莊大儒字仲醕莊行人幼以孝聞繼母性卞急每值其怒
輒長跪自責久之母亦感動至爲隕涕父亡撫幼弟四
人同母異母教養婚娶如一產僅中人而爲德不倦營
葬外祖傅氏恤友人馬文淵之喪而撫其遺孤嘗從同
郡錢大復受經及大復倡興理學折衷問難多所闡發
以太學生三試京兆不售謝舉子業益刻志聖賢之學
平湖陸莊簡公慕其文行延爲童子師其親信某欲得
一顧以爲重乃治具候之且以多金爲壽竟不往大復

奉賢縣志

卷十一 人物志二

二

儒林

子龍錫官翰林時兄事之有疑事疑義必就正而後卽
安寡言笑喜怒不形對童僕如賓客里人多贊成焉或
抱愧自引退著有鞭駑知非錄卒年五十有一卒後十
餘年知府方岳貢知大儒賢而惜不及其世乃爲傳以
表之

舊志參府志

國朝李之駒字昂若百曲港人諸生讀陽明書潛心窮理
與王光承兄弟相友善當事恆式其廬河督靳輔以禮
羅之謝弗往幼時父命收責有貧不能償者卽取券焚
之著有四耕齋文集

舊志

裴祈生陳家橋人屢學諸生學優品端士大夫家爭聘之

錢金甫等多出門下著有四書周易講義傳世康熙癸酉舉人宋漢章本姓裴其後裔也

方世求字在莘金滙橋人正學十二世孫讀書敦行爲諸生與李之駒講明理學詩文爲王光承吳騏諸人所稱康熙二十二年呈請興復郡城求忠書院客授濟甯請於當事祀正學父克勤於名宦祠表章前烈人爭重之康熙戊寅卒於彭城道署著有願學堂詩文集竝雜著若干卷子景高字開遠研究理學李之駒引爲忘年交亦能詩舊志景高自爲傳今移附此

胡國禎字嶠賓莊行人諸生有文名從遊之士多造就者奉賢縣志

卷十一 人物志二

三

儒林

性至孝年甫四十卽以母老不赴省試當事有以重幣聘主師席者亦謝弗往究心理學常與當湖陸清獻相往復舊志入文苑

何一碧字涵青號五橋世居莊行鎮歲貢生少工詞章後覃研經術與華亭倪思寬陸明睿齊名著有四書說經說五橋說詩四友堂文稿子二淳歲貢生亦以詩文名

參府志

陸鳳池字丹鳴諸生通經術明性理授徒於郡東濯錦江著錄甚眾江都郭述堂醕儒也爲松郡教授獨心契鳳池贈以柱聯云濯錦江邊高士披雲門外良師著有學

庸解桐林集藏於家

宋汝埇字宿江蔡家橋人諸生閉戶讀書於先儒宗仰許魯齋謂其言行俱粹克紹紫陽世有以仕元咎魯齋者殆未審魯齋所處與元世祖所以敦禮魯齋耳前明則推薛胡羅三子爲醇乎其醇景逸間有未粹如崇古本大學不免隱背朱子少格致一層入手工夫國朝則尊陸當湖爲紫陽嫡派而亦不廢石門之說爲人敦本尚實事繼母盡孝養葬久淹六喪鄉里稱之

上舊志並入雜傳

文苑

明陳裕字景容禎弟也洪武三十年應詔至京師試以詩

奉賢縣志

卷十一 人物志二

四

文苑

賦援筆立就授翰林院侍書尋丁母憂歸服闋再徵固辭不赴居恆與陶宗儀顧謹中俞允唐善賦詩酬答有唱和集書法吳興時稱能品年八十一而卒

舊志入耆碩

何良俊字元朗柘林人也少篤學讀書小樓歷二十年不下與弟良傅並負俊才時以二陸方之嘉靖中以歲貢入國學當路重其名特授南京翰林院孔目會趙貞吉王維禎相繼掌院事游覽唱和必偕久之意不樂慨然歎曰吾有清森閣在海上藏書四萬卷名畫百籤古法帖鼎彝數十種棄此不居而僕僕牛馬走乎遂移疾歸著作益富乞言問字者填委無虛日從容應之無倦色

著有何翰林集何氏語林書畫銘心錄四友齋叢說子
元之字又元亦以淹雅稱良傅字叔皮十歲通經史十
四補諸生嘉靖辛丑登進士授行人遷刑部主事力請
改南得禮部儀制司晉主客郎中南京寺觀多賜田久
爲勢家侵奪有廢寺材木值數千金齊庶人欲抑直強
市之又諸司濫用教坊工役無節良傅斬之訖不能申
其意遂乞歸與楊允繩唐大行爲性命交楊以直諫下
獄良傅上書司寇請薄其罪唐沒子幼良傅經理其家
以女妻其子與金陵顧璘關中馬汝驤同郡徐獻忠張
之象以文藝欣賞結詩社著有禮部集府志云叔皮集行世

奉賢縣志

卷十一

人物志二

五

文苑

宋堯明字憲卿蕭塘人嘉靖甲子舉人爲德化縣教諭陞
歸化縣令父喪歸起補公安改調遠安坐擅用庫銀謫
戍鐵嶺久之從李如松出塞斬十七級格於例不得復
官僅釋伍放歸堯明幼稟異質七歲時嬉遊庭前有客
詠隔簾看鏡詩久而不得忽應聲曰秦嶺望來雲冉冉
楚臺看去雨濛濛時父執袁某文徵明輩皆嗟賞不置
目爲聖童所著詩文數十萬言才情橫溢爲藝林所推

上竝

舊志

盛當時字明輔居望河涇嘉靖乙丑進士歷官湖廣僉事
性剛直媒孽者眾年三十六罷歸著有燕超堂集府志

彭汝讓字欽之應麟子也少負才華與馮開之唐文獻方
應選諸人同社推爲祭酒屠隆令青浦特修式廬之敬
中萬曆癸酉副榜郡守李多問府志作李多見良吏也會京察
當去士民爭起攀留塞西門汝讓坐首事逮治拷掠幾
死陸文定公樹聲力救得解事白歸家徒壁立賃居龍
潭尋卒著有北征南游擊筑諸稿弟汝毅字秉中諸生
亦以詩文名

高承祚字元錫士從子層雲祖也萬曆乙未進士丁父憂
服闋授檢討器度端凝有公輔之望尋歸里卒年僅四
十有七時論惜之善爲詩古文著有知古堂集

奉賢縣志

卷十一 人物志二

六

文苑

宋懋澄字幼清萬曆壬子舉人少慕游俠年三十餘始折
節讀書遊北雍時當萬曆末光宗與福王同出閣講學
禮數一體懋澄上書大宗伯羅萬化謂皇太子皇次子
出閣典禮攸關若等威不辨必啟天下之疑凡數百言
宗伯善之而不能用好論世事嘗曰二十年後天下將
有兵而我不及也後果如其言著有九籥集別集行世
唐汝詢字仲言南橋人府志云居白沙里五歲而瞽父兄抱置膝
上授書弱冠著唐詩解又以鍾惺詩歸有乖雅調作彙
編十集萬曆間御史楊鶴駱駸聞汝詢名竝肅禮幣請
見兄汝諤字士雅以貢歷常熟宿遷教諭陞安慶府教

授年老不赴亦工詩上並舊志

陳美字丹衷父汝器字見心以篤行稱美幼穎屈於小試
援例入官萬曆天啟間歷廣東清遠衛經歷致仕著有
吏隱詩集

宋啟明字天雲賢曾孫八歲詠新柳有梅花未落憐同調
黃鳥初來問主人之句為王世貞所賞人稱宋新柳長
游白門旅吟云家貧夢亦寒詠邊塞云路遙歸夢短霜
重鐵衣輕旅舍聞鐘云不向高樓驚醉夢偏來孤館促
愁心人又以宋三夢稱之後遊京師以太學生入志館
與修吏部志書成授翰林院待詔在京師十餘年所作
奉賢縣志

卷十一 人物志二

七 文苑

詩尤多名句傳誦人口以不附魏闈為其所怒遂棄官
歸未幾卒

鞠時龍字君御南橋人崇禎中以歲貢生授吳縣教諭遷
太倉州學正喜為詩頗多秀句松風餘韻載其詩數首
可畧見一斑云孫讓字秉謙邑諸生能承家學嘗客都
門與諸名流唱和詩名噪一時上二人並舊志

曾羽王青村人明季諸生博學能文著乙酉筆記四卷

陳正容字威玉竹岡人以上海縣學諸生中崇禎己卯舉
人學通今古文譽藉甚授徒著書不與戶外其行已懋
如也著有欲報堂集孟子合評陳子說詩行世舊志

王元一字默公明諸生少與杜麟徵師事張鼎為入室弟子素履恢奇古文詞稱作者陳黃門子龍出其門與宋存標同刻壬申文選郡人古學復興蓋由元一云府志

宋存標字子見堯武孫也崇禎中以積分選貢候補通判

尋中壬午副榜授南京翰林院待詔府志云選翰林孔目以國變

歸里存標自少負才名為幾社領袖嘗彙刻社中古文

為壬申文選海內至今傳之喜吟詠和唐人名作殆遍

其詩名遙和集虞山錢宗伯為之序府志云有棣萼新詞國策本論十六

卷子思玉字楚鴻思宏字漢鷺幼慧絕人竝有聖童之

目思宏四歲即能書七歲能作大字郡城普照寺額乃

奉賢縣志 卷十一 人物志二 八 文苑

其八歲時書也後皆不遇以諸生終府志王元一宋存標入國朝誤

周立勳字勒占茂源從子也讀書過目成誦與同里陳夏

齊名為雲間五才子之一倡為幾社時穀城方岳貢守

松江尤愛重立勳人或問之曰勒占一往有雋氣不屑

作酒肉貴人我是以愛之第其善怨工愁詩文恆出以

慨歎恐非福壽徵耳後以太學生屢試不第留滯南雍

未幾客死果如方所云歿後詩文散佚今所傳符勝堂

集五卷乃其元孫京所掇拾也案府志徐孚遠以崇禎壬午舉於鄉立勳卒已

數年舊志以立勳入國朝誤也今移正

國朝宋徵璧初名存楠字尚木堯武孫崇禎癸未改今名

成進士授中書充翰林院經筵展書官入國朝用薦授祕書院撰文中書從征舟山轉禮部員外郎歷知潮州府卒徵璧少負才藻與從弟徵輿有大小宋之目同郡夏允彝陳子龍竝重之著抱真堂集吳偉業爲序舊志入列傳

宋徵輿字轅文號直方懋澄子徵璧從弟也順治丁亥進士授刑部主事歷官至都察院左副都御史卒年五十徵輿少負才名工詩賦與同里陳子龍李雯稱雲間三子子龍負盛名於當世詩家無所讓而獨推重徵輿以爲出己上嘗共選明詩行世學者宗之其在閩中又有

奉賢縣志

卷十一 人物志二

九

文苑

全閩詩選著林屋詩草吳偉業爲之序次子祖年字子壽讀書過目成誦工詩文中順治甲午舉人與長兄太

淵先其父卒

舊志參宋氏家乘松江詩鈔並尺五樓詩文集

王廷相字展臣南橋人康熙壬子副榜自少銳志講誦無

間寒暑老而彌篤晚歲寄情吟詠動盈卷帙有香山放

翁之風出爲人後事嗣父母無異所生人咸以爲難

舊志

入者
頌

彭開祐字孝緒彥昭子也少嗜古力學爲詩古文所居春藻堂嘗與同里錢金甫輩講習其中康熙丙辰進士歷任河間縣知縣武岡州知州竝有政績晚以足疾歸里

年至七十九所著有凌滄稿管瑜稿詩有游琴瞻雲橐
丸一螺諸稿

唐于達字用儀之屏曾孫也博學善屬文爲華邑諸生祭
酒應鄉試不利遂謝去舉業從事吟詠嘗與吳騏孫苞
輩相倡和著有春浮室稿晚歲精心禪理著楞嚴直解
藏於家上竝舊志

韓范字友一韓村人明諸生與吳騏金是瀛吳懋謙何安
世王光承兄弟相倡和稱雲間七子著雲頌堂詩集光
承序稱其性情學問意氣爲制行立身之本末而詩之
工以此又著左傳測要集評不沾沾於字義文法而兼
奉賢縣志

卷十

人物志二

十

文苑

論事理頗能識其大

舊志

安世字次張紫岡人明廣東按

察使

按府志作河東副使

萬化子也諸生隱居浦南閉戶著書有

晚蘭堂集

舊志何安世自爲傳今改附此

孫苞字禮有莊行布衣也卓犖不羣羞與俗伍詩爲吳騏
所稱著有吟臺詩草一卷卒年八十有五

錢芳標字葆勳明刑部侍郎士貴子也博文宏覽天才雋
麗與同里董俞齊名人稱錢董又與族人金甫稱二錢
康熙丙午中順天鄉試授中書舍人旋與金甫同舉博

學宏詞丁內艱不赴著有湘瑟詞金門稿行世

上竝舊志

周綸字鷹垂茂源子也諸生隨父客京邸王士禎宋琬諸

前輩皆器重之以貢授國子監學正湯文正公斌巡撫江蘇綸上書極陳賦役利弊累數萬言事雖未行時論偉之詩文援筆立就年五十餘卒著有芝石堂文稿不礙雲山樓稿石樓臆編諸書府志周氏家乘參松江詩鈔何友晏字九陞李匠橋人諸生篤志學問詩書畫爲世推重京師貴人爭延致之著有南北游草與宋徵輿周茂源等同修郡志尤精醫理孫澍字超宗傳其術頗得神解

陳志道榜姓宋字鶴西高橋人康熙甲午舉人客授四方著錄甚眾同郡黃之雋王興吾上元方道章皆其高第

奉賢縣志

卷十一 人物志二

十一

文苑

弟子也能詩古文著有拾香草堂集

上流舊志

莊徵麟字思來大儒孫也諸生以奏銷案斥類敏好學博

道經史喜填詞曲令梨園歌之吳門袁于令慕名造訪

誦所所作斂容握手曰某五十年來惟遇君一人年五

十二卒

莊氏家乘參松江詩鈔

子永祚字天申以貢入太學考授

同知詩詞雋拔著西堂詩稿二十卷嘗病三年不瘳自

取醫書讀之忽悟因以已意消息病遂得瘥後爲人治

病能治諸醫束手者因輯醫案一書吳騏序以行世

頤頤

集松江詩鈔

郝耀字宣夏號覺關竹岡人諸生父汝持字子衡崇禎間

以進士官評事有文行耀困於省試僅以年資貢太學
有人倫鑑嘗於諸生中識黃之雋目爲國士尙書王鴻
緒重其才延以課子嘗預參定明史稿卒年七十餘詩
篇散佚所存止無題三十首東臬詠物詩五十首竹岡
景物詩十二首

路垓字蒼霖號鷗村陶宅著姓年逾五十中康熙辛酉順
天舉人館北平黃氏侍郎叔琳副使叔琬皆其弟子也
三試禮部不第遂絕意仕進著有鷗村集子徐來字舒
馭婁學諸生嘗與黃之雋鍾長泳唱和從之雋校士閩
中歸刻閩遊詩稿上海曹一士序之從子瑤林字湘三
奉賢縣志

卷十一 人物志二

十三

文苑

衛庠諸生亦能詩著有續和陶詩及問山草青田劉曄
澤爲序

唐敬烈字又方南橋人三歲失明每聽弟敬濤讀書入耳
便成誦久之五經三史無不通曉詩多雋句初敬烈曾
叔祖汝詢字西陽瞽而博學能詩名重藝苑敬烈繼之
人稱爲小西陽

周稚廉字冰持茂源孫讀書日以寸計爲文信筆千言才
名藉甚嘗游浙中值西河大舉文會凡千餘人題爲錢
塘江賦稚廉展紙疾書頃刻而就舉座愕然明日眾爭
物色之已揚帆歸矣恃才傲物尤藐視富貴人不輕與

接以國子生屢困棘圍憤懣死有容居堂集雜著若干

卷上 竝
舊志

袁龢字介人定之子也弱冠補諸生為人沈靜端雅有儒者風著有雪泉草堂集同里吳騏為序

曾王孟邑城人博聞洽見著作甚富有海隅雜誌今藏百曲港翁氏又胡甲鼇諸生少聰明著有志山雜俎兵燹後不復存

宋際字戡修弼弟從吳騏遊討論詩學所造益進與弟慶長字簡臣遊山東推選廟職同纂闕里廣志際以築石塘功與莊徵麒曹家駒竝祀滌闕報功祠著有青霞詩

奉賢縣志

卷十一 人物志二

十三

文苑

稟慶長著有鶴沙魯游南華諸稿

鯉山堂集并松江詩鈔

袁燦字昭遠國梓子也工詩文為名諸生以貢官當塗教

諭升國子監學正累遷郎中徙郡城築求是堂奉親後

遂家焉子瑋諸生以歲貢入太學晚自號灌花老人著

有倦遊草瑋佃漁經史克繩祖武寄大興籍諸生例貢

太學北闈呈薦選取鴻臚寺序班歎曰遊子離室慈母

倚閭忍戀功名而忘定省哉遂乞歸奉母詩宗元白後

以子秉鈞秉直貴贈如其官

袁氏家譜松江詩鈔

錢興諧字賡和號耕吳南橋人有雋才與焦袁熹同學遇

經史疑義互相討論試南北闈皆不利遂絕意進取肆

力於詩有耕吳詩草

松江詩鈔參此木軒詩鈔

盛收模字周鎬號彥先又號虹亭望河涇人諸生家貧力

學砥礪廉隅足跡不入城市邃於易嗜離騷詩宗少陵

著有虹亭存彙

松江詩鈔

鄒維安字漢迎南橋人少穎悟年十六補弟子員絕意科

名為文以性靈發舒經史詩效唐人著有廢圃吟草樸

齋詩鈔慎齋詩鈔二孫恂恂亦以詩詞見稱

沈景旦字南屏莊行人諸生磊落有奇氣食貧嗜學為文

不落恆蹊康熙庚子順天鄉試闈藝諸名宿莫不許之

至語傳闈中主司避嫌遂不售幕游燕晉滇黔山川名

奉賢縣志

卷十一 人物志二

十四

文苑

勝一寄於詩有雲車集一卷

松江詩鈔

金枝桂字繪亭號林一護理狼山總兵聞聲子諸生嘗幕

游狼山著有狼幕吟一卷

松江詩鈔

唐凌秋字胥濤號菽亭莊行人諸生博學工文蜚聲庠序

乾隆初以歲貢入太學生平蹭蹬悉發揮於詩著有菽

亭吟彙同時有衛自浚者字學源號半村宋文節公涇

裔孫也徵士姚培謙謂其文才令美名重國學卒年僅

五十士論惜之

松江詩鈔

高集字文越承祚曾孫也負才宏放屢困童子試年及四

十始補上海學生好談禪且習導引法終身不娶晚得

足疾依其門人魏生卒年四十有七所著學庸觀理觀
復堂古今文若干卷竝佚集與黃之雋爲忘年友之雋
未遇時集嘗評其文云清音似鶴異采如鸞他日玉堂
才也後果如其言

采和字介山陶宅人諸生工古文幕游京雜間與黃之雋
善唐堂集中有文哭之所著有介三古文四卷

顧絨字方來號梅圃歲貢生居陸典橋讀書務窮根柢性
耽山水游屐所至登臨題詠晚營別墅曰興園有讀易
草堂與沈湖王永祺何文雄張夢階等留連觴詠葺宗
祠修家譜解推不吝著有梅圃詩文集子鴻志字學遜
奉賢縣志

卷十一 人物志二

五

文苑

號遜齋博學工文乾隆乙酉選貢與馬光裘輩爲詩酒
之會有父風銓靈璧縣教諭捐俸倡修 文廟書院月
課諸生必傳至署中供饌精潔竝增膏火文風翕然著
有藻雪樓詩稿孫昌枚字舜華號仲園諸生博覽羣書
尤熟於史竝工詩文著有畹西草堂稿

顧氏家乘參王
永祺興園記

盛照字玉山望河涇人自少躬耕嗜讀里中塾師講論竊
往聽之年三十餘始學舉業一月卽補諸生文譽日隆
以歲貢入太學謹言慎行課徒自給暇則惟事吟詠著
有鶴湖集

府志

劉廷柱字成憲號忍菴歲貢生居花園角試南北闈屢屈

遂棄舉業刻意爲詩尤精書法與沈大成王永祺稱莫逆交著有四本堂詩草有紀玉桂者字粟巖號燕山諸生坦白無城府亦屢困場屋遂耽吟詠時與二三知己飲酒賦詩年七十卒著有愛日書屋詩稿松江詩鈔

何孟春字朗珠居志賢里舊名何家庫以名諸生貢太學閱覽博聞以著述自娛乾隆十八年邑令李治灝以析縣歷三十載尙闕志乘屬以編纂就家開局延常熟王應奎同邑宋禹颺襄其事明年十月告成凡一十卷著有望益堂詩文集何氏家譜

朱孔陽字照青青村港諸生博古工詩著有梅園遺稿卒奉賢縣志

年八十

王景堂字覲候號西岡明時六世孫也居沙岡滙橋其伯祖師植以名諸生蒸遇

聖祖南巡獻詩 行在官禁近景堂幼敏讀書過目成誦

承家學工詩古文詞未冠遊衛庠才名藉甚家貧資筆墨治生二十餘發痘瘡因眇一目跛一足時人以吾行比之後株連科場事被斥益肆力於詩出入唐宋南滙

吳省欽省蘭兄弟皆其門下士卒年六十著有采山堂

詩文全集王氏族譜 松江詩鈔

吳經字梅里號恆齋諸生善詩文工蘭竹黃之雋高弟也

學使者欲舉孝廉方正辭不就尹文端公督兩江延之
幕中後卒於維揚著梅里集已佚僅傳和盧運使修禊
詩四章和程中丞梅花詩十首而已

松江詩鈔

韓昭松字雪庭蕭塘人歲貢生家貧力學著易義闡又有
續萬姓通譜及詩文若干卷與同里顧棟善棟字夔聞
亦歲貢生敦氣誼飭廉隅詩文深厚不及昭松而超逸
過之

黃新字甸服號鐵珊原名安畿嘯詠自娛詩出入香山玉
溪間及門陳廷慶早歲卽擅詩名蓋得其傳著有南浦
集

松江詩鈔謙受堂全集

奉賢縣志

卷十一 人物志二

七

文苑

馬光裘字少坡孫家橋人敦行積學邃於經術稱一黌之
雋四遇 召試歷薦南北闈皆無所遇嘉善謝侍郎壻
欽其品學延至家爲子恭銘授經至恭銘通籍始辭歸
嘗北遊燕趙齊魯南歷吳越所過山川名勝皆見於詩

著長笛書樓集九卷

據王鳴盛長笛書樓集序

王溥字廣亭號環溪居士賢里十一歲而孤哀毀如成人
母唐氏約束頗嚴溥就外傳歸於燈火下紡績課讀每
過午夜從蔣鉞習制義鉞奇其才妻以女乾隆庚辰
恩科舉人歷鎮江府學訓導吳縣教諭皆勤於職其友
馬光裘贈詩有三吳桃李皆春雨中歲鬚眉已曉霜之

句以子家柱貴贈如其官著有環溪詩文集弟浚字昭亭號梅岑乾隆戊子舉人選安徽蕪湖縣教諭勤職如溥工詩善書宗黃庭堅顏山滴翠軒庭堅讀書處也解俸錢重構爲位以祀九日登高必招集諸名士爲壽溥浚皆年七十解職歸逾年卒著有梅岑詩文集王氏家乘

唐閑字在初諸生莊行人讀書敦行事必師古每與知己慷慨談忠孝詩學香山著有海襟墅詩鈔松江詩鈔

何國炎字坤元號二白鄉賢汝闕五世孫也諸生由莊行徙郡城外白龍潭家貧愛書史每從戚友借得手鈔之以子諸生三樹早卒遂病偏枯猶不廢吟詠著有玉簡

奉賢縣志

卷十一 人物志二

六

文苑

堂集四卷

何氏家乘
松江詩鈔

朱象春字寶樹號巽圃莊行人諸生博聞強識經史百家

手自點勘善屬文詩宗韋柳與馬光裘等爲倡和著有

觀水堂詩鈔費鏞字南珩諸生性淡泊高古室中惟鑪

香茗椀而已詩學蘇多見道語著有澄觀堂詩稿葉本

字靈根又字聲黃號固庵居莊行鎮北盧家畹諸生幼

負雋才讀書嗜古文名噪甚詩學香山與朱象春等爲

友早卒弟桐字愚峯諸生與兄齊名詩亦相埒著有南

津草閣合刻詩鈔

松江詩鈔
盡簪集

刁忻原名廷梧字景炎號玉屏莊行人諸生敦行嗜學從

吳江陸中丞耀游爲所器重妻以妹所遇山川名勝必挈伴登臨紀以歌詩著有貽燕堂詩集松江曾孫宗協字梅霖工書尤精蟲魚花卉咸豐辛酉拔貢朝考一等籤分陝西知縣以祖母在堂呈請終養以疾卒士林惜之

王錫康字衢平諸生閱覽博聞諸城劉文正公壩爲學使奇其文特拔之課徒自給暇則吟詩卒無嗣詩稿亦散佚又姜汝溫字廷球諸生博覽羣書援筆爲文驚才絕艷累受知學使詩嗜溫李松江詩鈔

錢起字坤城號靜蘭南橋人諸生性高雅學問淵通慕唐奉賢縣志

卷十一 人物志二

大厯才子錢仲文遂與之同名屢屈於省試以詩酒自娛著有醉墨軒詩鈔蓋簪集南津草閣詩集陳妙珊詩鈔

馬亮字超庭號春岡諸生敦品績學工詩善書客吳門三十年薦紳先生皆以得其墨蹟爲榮著有春岡詩鈔松江

詩鈔

沈復齋老人失其名南橋人布衣工詩一時文人多與遊陳廷慶贈聯云唯書是下酒物有句皆驚人詩後裔衰替遺稿多佚陳廷贊字襄懋號墨農安仁孫與從兄廷溥廷慶相倡和人擬之康樂惠連卒年二十九著有書

葉軒稿謙受堂集

唐鍾洛字澄齋諸生著述自娛手不釋卷詩宗長慶集著
有耕餘詩草蓋譽集

徐修疇字周訪號蘭軒賓曾孫也少與弟述曾從華亭王
鼎游經術湛深偕入太學復師事嘉定王光祿鳴盛詩

宗漢魏盛唐著有漱華書屋詩集述曾字德基號葵園
著有凝紫山房詩集顧宗泰停雲集

王錫範字敘三號籍樓相家橋人諸生父丙熊乾隆庚辰
舉人錫範幼承家學讀書一日數行博通經義聲雋一

黷時陳廷慶家居每招集賓朋作文酒會錫範不嗜酒
而豪於詩舉座推之嘉慶庚申以序貢入成均府志謙受堂全

奉賢縣志 卷十一 人物志二 辛 文苑 集

莊伸字閻谷莊行人諸生潛心經史著有斯亦軒詩鈔陳
翀字子凌南橋人著有愛日堂稿

蔣機秀字企陸號涇西居竹岡晚遷鄔家橋諸生敦品嗜
學工詩文精篆刻嘉慶甲子貢太學邑令艾榮松慕名

造訪機秀賦詩答之未嘗干以私及門多知名士丁丑
進士夏際唐其翹楚也著有三益堂文稿是亦書屋詩

草評選 國朝名媛詩繡鍼集子吉士字柳堂諸生能
承家學才尤侗儻早歿著有柳堂詩鈔多變徵之意識

者早決其不永年云蔣氏家乘

韓榘字弈昌號讓菴韓村人博學能文兼工楷法嘉慶己巳恩貢著有懷蔭堂文稿柘溪詩集

韓氏家乘

鄒華清字牧堂號秋客南橋人諸生少負雋才性通脫文筆敏速晚歲縱情詩酒時與陳廷慶蔣機秀朱象春相唱和詩律在香山放翁之間無後稿多散佚僅存數十首弟華藻字德斧號率亭諸生遷居莊行性情古樸文筆高潔尤究心關閩濂洛之書故精於說理著有攜冰集退掃閒軒詩稿蒙經隨筆

金瑞階字靄庭生子諸生名冠庠序與試經解不攜片紙受知於學使蕭山湯文端公子曾枚號鹿琴能承家學奉賢縣志

卷十一 人物志二

三

文苑

道光庚子舉人

袁禾字花溪諸生蕭塘人年七十餘讀書猶日有常課偶忘一語雖寒宵就寢必起篝燈檢閱乃已著有永華堂詩文集花溪日記子以介字琴軒工詩古文詞學使蕭山湯文端公試松郡得其卷首拔之旋攫痼疾兩足廢因號跛居士著有學吟稿

戴曉河字灑園莊行人歲貢生少孤勵志爲文峭折雋彥多出其門著有平遠山莊詩文集

顧鼎華原名柗字稼堂夔聞姪孫諸生天姿聰慧博覽羣書一踏省闈遂棄舉業以吟詠自娛著有聽筠楹詩稿

李樹昆字餘杉延架五世孫寄居南滙李家角幼孤承母
教性穎異復自刻苦未弱冠補博士弟子員以文字受
知於邑令艾榮松暨肇文書院山長吳省蘭艾爲議婚
於吳樹昆感然曰母已爲聘舅氏女何忍違卒辭之乾
嘉之際漕政漸壞無行生監多包攬花戶以取利何某
者尤桀黠艾禡其衿何遂以他事誣艾大府遽禡艾職
樹昆邀同人訴白其誣雖不得直義聲振一邑舅氏子
繼舅司出納博負盡鬻樹昆產以償樹昆弗較猶卹其
家所爲文直造古大家堂奧以是屢擯秋闈年五十餘
始餼於庠子慶熊字花卿諸生工詩古文詞學使李公
奉賢縣志

卷十一 人物志二

三

文苑

聯琇得其卷陀爲奇才著有敝帚千金集

汝霖字時盦南橋人諸生陳廷慶入室弟子也性耿介自
號鈍翁工詩與同邑徐友蒼吳康如輩相唱和年七十
餘猶飲酒論詩娓娓不倦著有勤補拙齋詩稿

莊純熙字赤霞莊行人少習舉業歷試不售棄而攻醫性
豪放嗜酒工詩詞投契者輒傾肝膽家貧艱食不減其
樂存詩二十餘卷兵後佚

秦士醅字靜甫性友愛課弟子如已出善屬文道光庚子
舉人本邑完地丁銀交錢者折作九成士醅請於官得
除之後號退菴著有鯨鶴館稿鍾聲字次陶號西莊南

橋人道光己亥舉人揀發廣西署興業令同治壬戌甲子兩充鄉試同考官興業多棄嬰捐廉倡建育嬰堂邑人德之著有鄉黨辨正楊錫鑣字仁之號愛山二橋人道光壬午歲貢善書法著有容研居稿朱鏞字闡岩國學生嗜學不倦尤工詩詞著有闡岩文集又小草一卷朱澳字瞻淇號竹猗諸生著有棗竹居吟稿及文集朱洪字廣涵號蓉卿增貢生候選訓導著有一味軒駢體文敦本堂詩文集朱英字子香號懶樵諸生著有聽蕉山館及洗心居詩鈔

陳光适字石楠廷溥孫幼穎異目數行下年九齡客有訪奉賢縣志

卷十一 人物志二

其祖者令背誦江海賦無一字訛遂有神童之目道光戊子副貢歷署寶應宿遷訓導月課親加評隲厚給膏火晚年家居怡情吟詠木棉十詠尤傳誦一時卒年七十有二

何四勿字芷淵莊行人諸生敦品績學性豪邁著有易義駢言四卷詩集四卷

袁墩字澄甫江西布政使秉直孫寄居嘉善咸豐壬子順天舉人官戶部廣東司主事遷刑部貴州司員外郎少以能文名官京師葺松江會館擴其構形家言當不利主謀者不爲勳館成遽卒士論惜之

金曾鏞字雅夔諸生讀書目五行下平湖顧廣譽避亂新市造門訂交後顧主講上海龍門書院作書招之以母老不赴

傅介福字築鄉莊行人本姓何早孤姑夫傅一熾撫爲嗣早歲有文名以咸豐己未舉人大挑授江陰教諭日與諸生討論經史娓娓不倦年餘卒於任

